

## SCRIPT OF MORNING GOJRI NEWS BULLETIN 18 JAN 2025

1015HRS

مارننگ گوجری نیوز بولیٹن 18 جنوری 2025

<><><><><><><>

یوہ آکاشوائی جموں بے محمد اکرم تین خبر سنو۔

### Dy CM SHALAMAR HOSP

نائب وزیر اعلیٰ سُریندر چودھری کل سرکاری ہسپتال شالیمار غو دورو کیو تے اس دوران راجوری سانچہ گا متاثرین گی عیادت کی اس دورہ غرے دوران ان غرے ہمراہ ایم ایل اے بدھل جاوید چوبدری تے دوجا سنئر افسر موجود تھا ہسپتال انتظامیہ نال گل بات گے دوران نائب وزیر اعلیٰ نے کہیو جے سرکار ان پُر اسرار اموات گو پتو لان واسطے پوری کوشش کرربی بے انبان نے تمام ضروری طبی سہولیات فراہم کرن گی ہدایت کی دورہ گا حاشیہ ور میڈیا نال گل بات کرتا وان انبان نے کہیو جے حکومت تے پہلان ہی ان وجودہات گو پتو لان واسطے ایک تھقیقی مشق شروع کرن گی ہدایت کی وی بے انبان نے کیو جے پولیس تے دیگر اجنسی وی اس معملہ گی تحقیقات کرربی بے تے اگر کسی مہیم گی کوتاہی گو پتو چلیو تان جلد ہی ان گی خلاف کاروائی کی جے غری۔

### LG BOOK RELEASE

لیفٹینٹ گورنر منوج سنہا نے گزشتہ روز دور درشن نیوز جموں گے زریوے اسمبلی چناو کوریج ور کافی ٹیبل کتاب جاری کی لیفٹینٹ گورنر نے اس موقعہ ور دور درشن گا علاقائی نیوز یونٹ تے ادبی ٹیم نانہہ وی مبارک باد پیش کی انبان نے انتکابی عملہ گا بارہ مانہہ علاقہ گا لوکان نانہہ اگاہ کرن تے تسلیم دین واسطے آر این یو ٹیم گا اراکین گی کگن و عزم گی تعریف کی اس اشاعت مانہہ اعمبلی انتکابات گے دوران دور درشن گا علاقائی نیوز یونٹ گی کوششان ور لوکلی گئی بے جس مانہہ سوشل میڈیا پوسٹ گے زریوے بیداری مہیم سوپیپ گے تحت دستخط مہیم سمیت رائے دبنگان نانہہ خاص پروگرام گے زریوے بیدار کرنو شامل بے دور درشن نیوز جموں گا ریجنل ڈائریکٹر ویوک پائلہک نے وی لٹینٹ گورنر گی اس دوران حصولیا بیان تے آر این یو جموں گا اقدامات بارے کیو۔

### MINISTER SATISH

سائنس تے ٹیکنالوژی گا وزیر ستیش شرما نے کل جموں وکشمیر ای گورننس ایجنسی گا کم کاج بارے جائیزو لیو جس نانہہ جموں کشمیر مانہہ ای گورننس بروجیکٹ گی ڈیزائنگ مزابمی تے انتظام کرن گو کم سوپیپو کیو ہے میٹنگ مانہہ چیف ایگریٹو افسر دائیریکٹر فائنس سمیت جے کے جی اے گو تحیکاتی عملہ وی شامل تھا سی ای او نے پاور پائینٹ پر زینٹینشن گے زریوے اجینسی گی موجودہ کامیابیاں گے نال نال آئیندہ غا منصوبیاں بارے وی اگاہ کیو انبان نے دسیو جے کے جی اے تے ای گورننس منصوبیاں گا نفاذ انتظامی مالی قانونی تے تکنیکی مدد فراہم کرگے ای انتظام گا منصوبیاں نانہہ نقشہ فراہمی تے اُن گو انتظام کرے انبان نے وزیر موصوف نے ہسپتالاں گا سوین ۲ اشاریہ صفر اُٹو میشن سیول سکٹریٹ تے جموں سرینگر اسمبلی کمپلیکس واسطے لین سیٹ اپ جیسا منصوبیاں بارے وی اگاہ کیو۔

## PM MANN KI BAAT

وزیر اعظم نریندر مودی ۹۱ جنوری نانہہ اکاشروانی ور من غی بات پروگرام مانہہ ملک تے بیرون ملک رین آلا بھارتیاں سنگ اپنا خیالات سانجی کریں گا واضح ره جے یاہ مہینہ وار ریڈیو پروگرام گی ۸۱ ویں قسط وے گی یاد ره جے اس پروگرام مانہہ عوام اپنا خیالات تے تجویز ٹال فری نمبر ۰۰۸۷۱۱۰۰۸۱ ور بھیج سکیں تے نریندر مودی ایپ یا مائی گو اپن فورم غے زریعے وی عوام اپنا خیالات نانہہ سانجھا کرسکیں قابل زکر ہے جے آن ڈلا مہینہ وار پروگرام وسطے تجویز اس مہینہ گی ۷۱ تاریخ تک قبول کی جیں گی۔

## ANNOUNCEMENT

علاقائی خبران آلو شعوبو آکاشروانی جموں نے کٹھو عه ضلع واسطے پارٹ ٹائیم نمائیندہ غی درخواست طلب کیں ہیں فہرست مانہہ شامل ہون واسطے کٹھو عه ضلع مانہہ رہن آلا ۴۲ سال تین ۵۰ سال غی عمر غا امیدوار درخواست طلب کرسکیں پی ٹھی سی واسطے کم از کم ضروری قابلیت پی جی ڈپلمو یا صحافت مانہہ ڈگری تے یا پھر کسی تسليم شدہ یونیورسٹی تین ۲ سال غو صحافت ۶ی تجربہ غے نال گراجیوایشن اس تین علاوه کمپیوٹر تے ورڈ پروسیسنس غو علم خبر جمع کرن تے الیکٹرونک میڈیا کورریج غو تجربو ضروری بے۔ امیدوار نانہہ ڈسٹکٹ ہیڈ کوائز تے میونسپل گی حدود تین ۱۰ کلو میٹر گا دائیرہ مانہہ ہونو چاہیے تمام ضروری دستاویزات غے نال درخواست غی پارڈ کاپی ۵۱ فروری ۵۲۰۲ توڑی بیڈ ریجنل نیوز بولیٹ آکاشروانی جموں غے دفتر مانہہ پُجانیں جس غو پین کوڈ ہے ۱۰۰۰۸۱ ور ہوم پیج غا آخر مانہہ [www.newsonair.gov.in](http://www.newsonair.gov.in) درکواست اشتہار ماری ویسائیٹ آسامیاں اللہ آکن ور دستیاب ہے۔

## SHAMEEM AKTHER DEMISE

آکاشروانی جموں گا گوجری پروگرام تین وابستہ نامور کمپیر شمیم اختر گزشته رات دبلي غا ایک بسپتال مانہہ انتقال کر گئی شمیم اختر گوجری غا نامور لکھاڑی تے پرڈیوسر ڈوکیٹ گلام رسول اسگر غی صاحب زادی تھیں تے لگ بھگ ۵۲ براں تین آکاشروانی جموں گا گوجری پروگرام تین جڑی ویں تھی وہ بار آلے تھاڑے فون ان گوجری پروگرام مانہہ لوکاں گی فون کال لیں تھیں تے گوجری پروگرام غا سامعینمانہ کافی مقبولیت رکھیں تھی ان غی نماز جنازہ اج دوپہر ۲ بج غے ۳۰ منٹ ور گجر نگر قبرستان مانہہ ادا کی جے غی۔ آکاشروانی جموں کا عملہ تے گوجر بکروال طبقہ غی سیاسی سماجی تے ادبی تنظیمان نے شمیم اختر غی وفات ور گھرا ڈکھ غو اظہار کیو ہے۔

## DC POONCH

کمشنر پونچہ ویکاس گنڈل نے اج ڈی سی دفتر کانفرنس حال مانہہ سماجی فلاح و بہبود مہکمہ گا کم کاج بارے جائز و خاطر ایک میٹنگ گی صدارت کی میتنگ گے دوران انبیاء نے سماجی فلاح بہبود سکیماں گی موثر عمل اوری گی ضرورت ور زور پایو جن گو مقصود برادری نانہہ فائیدو پُجانو ہے جائزہ میٹنگ گے دوران وظیفہ پیشان ادائیگی تے سماج گا حاشیہ ور رہ رہیا لوکن توڑی امدادی پروگرام سمیت باقی اقدامات گی عمل اوری جانچ پرتال کی گئی اس تون پہلان ضلع فلاح و بہبود افسر وکیل احمد بھٹ نے محکمہ گی کارروائیاں تے کلیدی اسکیماں ور عمل درآمد گو ایک جامع جائز و فرائم کیو جس مانہہ قومی سماج امداد پروگرام مربوط سماج تحفظ گی اسکیم شادی بیاہ مانہہ امدادی سکیم وغیرہ شامل ہیں۔